

鄆陵文獻志



鄢陵文獻志卷二十八

國朝

鄢陵蘇源生菊邨纂

人物志五

文苑

晉

庾闡

晉書文苑傳庾闡字仲初潁川鄢陵人也祖輝安北長史父東以勇力聞闡好學九歲能屬文少隨舅孫氏過江母隨兄肇為安樂長史在項城永嘉末為石勒所陷闡母亦歿闡不櫛沐不婚宦絕酒肉垂二十

文獻志

卷二十八

一

年鄰親稱之州舉秀才元帝為晉王辟之皆不行後為太宰西陽王羨掾累遷尚書郎蘇峻之難闡出奔邳鑒為司空參軍峻平以功賜爵吉陽縣男拜彭城內史鑒復請為從事中郎尋召為散騎侍郎領大著作北堂書鈔引晉中興書云庾闡有文章才美識者以為宜綜國史於是召為散騎常侍頃之出補零陵太守入湘川弔賈誼其辭曰中興二十三

載余忝守衡南鼓枻三江路次巴陵望君山而過洞庭涉湘川而觀汨水臨賈生投書之川慨以永懷矣及造長沙觀其遺象喟然有感乃弔之云偉哉蘭生而芳玉產而絜陽葩熙冰寒松負雪莫邪挺鍔天驥

汗血苟云其僞誰與比傑是以高明倬茂獨發奇秀  
道率天真不議世疾煥乎若望舒耀景而焯羣星矯  
乎若翔鸞拊翼而逸宇宙也飛榮洛汭擢穎山東質  
清浮磬聲若孤桐琅琅其璞巖巖其峰信道居正而  
以天下爲公方駕逸步不以曲路期通是以張高弦  
悲聲激柱落清唱未和而桑濮代作雖有惠音莫過  
韶獲雖有騰鱗終仆一壑嗚呼大庭旣邈元風悠緬  
皇道不以智隆上德不以仁顯三王親譽其軌可仰  
而標霸功雖逸其途可翼而闡悲矣先生何命之蹇  
懷寶如玉而生運之淺昔咎繇謨虞呂尙歸昌德協

文獻志

卷二十八

二

充符乃應帝王夷吾相桓漢登蕭張草廬三顧臭若  
蘭芳是以道隱則蠖屈數感則鳳覩若棲不擇木翔  
飛九五雖曰玉拆僞才何補夫心非死灰智必存形  
形託神川故能全生奈何蘭膏揚芳漢庭摧景颺風  
獨喪厥明悠悠太素存亡一指道來斯通世往斯圯  
吾哀其生未見其死敢不敬弔寄之淶水後以疾徵  
拜給事中復領著作吳國內史虞潭爲太伯立碑闡  
製其文又作揚都賦爲世所重年五十四卒謚曰貞  
所著詩賦銘頌十卷行於世子肅之亦有文藻著稱  
歷給事中相府記室湘東太守太元中卒

梁

庾仲容

梁書文學傳庾仲容字仲容潁川鄆陵人也曾司空  
冰六代孫祖徽之宋御史中丞父漪齊邵陵王記室  
仲容幼孤爲叔父泳所養既長杜絕人事專精篤學  
晝夜手不輟卷初爲安西法曹行參軍泳時已貴顯  
吏部尚書徐勉擬泳子宴嬰爲宮僚泳垂泣曰兄子  
幼孤人才麤可願以宴嬰所忝迴用之勉許焉因轉  
仲容爲太子舍人遷安成王主簿時平原劉孝標亦  
爲府佐竝以強學爲王所禮接遷晉安功曹史歷爲

文獻志

卷二十八

三

永康錢唐武康令治縣並無異績多被劾久之除安  
成王中記室當出隨府皇太子以舊恩特降餞宴賜  
詩曰孫生陟陽道吳子朝歌縣未若樊林舉置酒臨  
華殿時輩榮之遷安西武陵王諮議參軍除尚書左  
丞坐推糾不直免仲容博學少有盛名頗任氣使酒  
好危言高論士友以此少之唯與王籍謝幾卿情好  
相得二人時亦不調遂相追隨誕縱酣飲不復持檢  
操久之復爲諮議參軍出爲黟縣令及太清亂客遊  
會稽遇疾卒時年七十四仲容鈔諸子書三十卷衆  
家地理書二十卷列女傳三卷文集二十卷並行於

世

陳

庾持

陳書文學傳庾持字允德

蒙按南史作字元德

潁川鄆陵人也

祖佩玉宋長沙內史父沙彌梁長城令持少孤性至孝居父憂過禮篤志好學尤善書記以才藝聞解褐梁南平王國左常侍輕車河東王府行參軍兼尚書郎尋而為真出為安吉令遷鎮東邵陵王府限外記室兼建康令天監初世祖與持有舊及世祖為吳興太守以持為郡丞兼掌書翰自是常依文帝文帝剋

文獻志

卷二十八

四

張彪鎮會稽又令持監臨海郡高祖受禪授安東臨川王府諮議參軍天嘉初遷尚書左丞以預長城之功封崇德縣子邑三百戶坐事免尋為宣惠始興王府諮議參軍除臨安令坐杖殺縣民免封遷為給事黃門侍郎除稜威將軍鹽官令光大元年遷祕書監知國史事又為少府卿領羽林監遷大中大夫領步兵校尉太建元年卒時年六十二詔贈光祿大夫持善字書每屬辭好為奇字文士亦以此譏之有集十

卷

隋

庾自直

隋書文學傳庾自直潁川人也父持陳羽林監自直少好學沈靜寡欲仕陳歷豫章王府外兵參軍宣惠記室陳亡入關不得調晉王廣聞之引爲學士大業初授著作佐郎自直解屬文於五言詩尤善性恭慎不妄交遊特爲帝所愛帝有篇章必先示自直令其詆訶自直所難帝輒改之或至於再三俟其稱善然後方出其見親禮如此後以本官知起居舍人事化及作逆以之北上自載露車中感激發病卒有文集十卷行於世

文獻志

卷二十八

五

宋

崔公孺

新纂崔公孺字象之工部侍郎立次子也簡重有高識喜學善屬文以父任補將作監主簿恥在蔭藉欲自取進士旣不第益究覽經史百家無不得其淵妙視富與貴蔑如也歷監許州商稅知陽翟縣簽書忠武軍節度判官事累遷尙書比部員外郎熙甯四年卒年五十八公孺孝悌仁恕出於天性母冉氏早亡事父與繼母朝夕左右承順顏色未嘗忤意居喪累日水漿不入口及葬築墓雖盛寒必跣足負土與庸

者雜作終喪始茹葷兄弟皆盛年物故遺孤滿室極力撫育不忍去爲遠官居官治民清約不擾見有位者必爲陳國家大計正人佳士雖未識面推嚮不已道或不合大權重位招之不往也慶厯中仁宗勵精圖治公孺詣闕上書請培根本教宗室擇守宰求遺逸資孝治御英豪輕賦斂省冤滯節浮費嚴武備凡數千言皆當時要務與人交務盡誠信有過失毅然規正侍中韓琦公孺姊夫也用監司偶有非其人者則諫曰公居陶鎔之地宜以造化爲心造化以蛇虎害人故置蛇於澤數置虎於山林公顧置之通衢可

文獻志

卷二十八

六

乎琦謝之從事許州日官吏斷獄誤引重比同幕梁統者懼及於譴則銓格爲廢人公孺曰持議而誤在我請獨當其罰論者皆高其義與處士孔旼相厚善每一過從則閉關談道踰旬不忍別去素樂閒退與相知爲林泉之約願預者藉記之已皆背去其藉爲空公孺亦笑而不怪焉子二振孫大理寺丞保孫試將作監主簿

本韓琦安陽集司馬光涑水紀聞參劉連鄉先賢列傳

明

杜懋

經志杜懋字大勉少有大志精於易義天順甲申會

試第八名刻傳經文甚侈選翰林院庶吉士肄業史館未幾卒

王璣

新纂王璣字幼齊父經吳江主簿璣幼穎異特出警敏神發口授古詩文輒不忘稍長日記萬言能制舉藝兼工古今體詩年十五爲諸生嘉靖壬午秋試文已中式爲藩長擠落日是面有痕而步迂遲者也初劉趙寇鄆母傅老且病璣守之不忍去故賊刃傷其面至是投卷居先藩長識之遂被黜後司考者言其事聞者罔不稱屈璣不怨不尤惟益淬厲於學事無

文獻志

卷二十八

七

巨細悉以道義處之辭受取予之際尤一介不爽甘麤糲未嘗有求於人居家嚴而有法內外之分斬如也年四十三始領河南鄉薦四試禮闈不第謁選授深澤知縣時深邑早已久民甚憂懼璣至手香懇禱不二日果雨嗣而數大雨邑小政煩璣急緩牧後催科興滯補偏方期大有所設施乃莅任四十日而卒囊無餘俸假貸以斂衆皆惜之所著有梅巖集邑人陳棐以其詩比岑參孟浩然人以其爲無溢美云

本陳棐文

岡集參施志

劉連



經志劉連字翁高大司寇璟之孫訖之子博學有志操叔父訥亟稱之以貢生謁銓作北征賦數千言名動京師與王祖嫡方九功李袞李蔭友善時隆慶二年神宗初出閣讀書詔選老成耆碩之儒伴讀東宮祖嫡等力薦連江陵疑連與新鄭有親不用連就吏部考授畧陽主簿旣之官稱引古義不肯以下吏自待居四十日棄歸優游林壑閉戶著述邑令陳登雲錢夢得嘗造請焉所著有石孔山人集畧石孔山人六稿唐詩類選行於世

劉巡

文獻志

卷二十八

八

經志劉巡字豫田大司寇訥之子以父蔭初任左府都事陞順天府治中時高文襄公當國命巡以治中攝京兆事庖苴不入干謁不事久之文襄罷巡獨無恙人服其高識陞南康太守日載琴酒往來匡廬閒尋解綬歸就東郊營菟裘日三花圃蕭條高寄不入城市近三十載巡博通遠覽於學問無不探索而尤精於琴家人於其沒也常聞所居時時有琴聲宛如其生云所著有竹素園集四卷周易玩占六卷南詞選詞二卷長子好生能繼其學於奇壬諸術尤精醇正謹恪鄉黨推爲善士

韓紹愈

新纂韓紹愈號惕庵白重次子五歲就塾師學宿慧穎悟讀書過目卽成誦成童補博士弟子員文彩斐然崇禎癸酉舉於鄉事父孝事兄悌讀易謙卦六爻皆吉嘆曰文悄悄湯慄慄不自滿假用是道也於是勞謙抑抑視眼中人無不如己者處鄉黨恂恂有禮貌人皆推重之時邑有賢雋之士三十三人立社課藝紹愈與焉社中諸子如梁伯飛蘇昭六常心孔皆鐵中錚錚人中矯矯不可一世胥奉紹愈爲祭酒十年之間造就頗多辛巳三月病疫卒年四十七人皆

文獻志

卷二十八

九

惜之

本韓程愈白松樓集

蘇宇

新纂蘇宇字昭六運同起雒子嗜讀書聰穎過人凡經史中疑義奧詞老師宿學所難解者宇一覽豁如也性喜靜終歲下帷不窺園圃天啟甲子入庠爲許州十五邑之冠後試輒冠軍食餼文名日起崇禎辛未邑中賢雋之士三十三人立及社相與伐鼓樹幟而以宇爲破敵之兵其同心同力也則互攀日月矯弱爲強摧偏輔正有陳同甫之風焉於是日插質的較其鼓律由制藝以及詞賦皆穴穿先輩剝剝時賢

矜矜礪礪以呼聾聵於未醒二十年間鄆陵之文風  
丕變風雅熾然皆字及諸子之功也乙亥冬以明經  
見拔貢入京師歸作拔貢行以見志丁丑戊寅居父  
憂抑鬱無聊益肆力於古辛巳夏日卒年三十四字  
爲人英敏沈摯不以人言爲可否而篤嗜吟咏自成  
童已然值明季天下喪亂人心譎詐有所感觸悉寓  
之於篇章所著中曲山房詩集不下數十萬言遭闖  
寇兵燹散失無存有老僕石材者頗識字凡家集授  
梓皆其手書或竊誦之 國朝順治戊子亂稍定  
乃徐思所記者得一編康熙戊戌泗上閻爾梅遊關

文獻志

卷二十八

十

洛歸過鄆字子岌岌持詩商定爾梅曰此絕似漢晉  
人文字吾固樂成其名者也於是序而傳之岌字敬  
伯以明經任嵩縣訓導岌自有傳

本白松樓集中  
曲山房集施志

常希伋

新纂常希伋字心孔羅寨人少負異相有伏犀貫頂  
之奇父兄以公輔期之長而好學通六經子史百家  
之言爲文有氣岸尙風格讀之若洪濤巨浪不可向  
邇教其弟希顥希軾皆稱名士開門授徒所收士盡  
一時英特暫經指授爲文皆有法時鄆人士有及社  
以文章德業相切磋遠交吳越近友汝潁希伋爲社

祭酒遭時不辰遘疾沒希顥字心程以明經鐸西河  
嗣遷瑞安丞爲平陽假令卒於官希軾字子瞻本白  
松樓

集

梁爲虹弟爲舟等附

新纂梁爲虹字伯飛鄆陵人大司馬廷棟長子奉常  
克從孫也廷棟八子皆聰慧而爲虹尤好學師事夏  
調御自讀書外不知世更有何事垂髫以能文名閩  
閩長益博雅凡經史子集無不窺厥淵微辯才無閔  
下筆如生龍活虎不可捕捉區區舉子業直一斑耳  
年二十七早卒蒙按廷棟長子爲虹次子爲舟爲虹  
早卒未嘗與泚水之難施志以爲虹

文獻志

卷二十八

七

葬汲水中且以其弟爲舟字伯方沈細有端緒爲文  
爲舟爲兄誤矣

獨出性靈不勦襲前人一語又好金石古文喜摹晉  
唐以來名賢法書眞草行楷各臻其極築六觀草堂  
栽花蒔竹有幽棲之志視人間富貴利達蔑如也其  
弟爲標字仲建讀書日數行下口若懸河功名念切  
每盡力於時文其弟爲龍字仲御恬靜深沈與人交  
喜怒不形於色文如其人皆腹稿刪正讀之悠然有  
一唱三嘆之聲其弟爲光字叔燕眼如曙星精神滿  
腹容體肥皙如中人而心雄萬夫以豪傑自命舉天  
下事不足以撓其懷抱有口辯苟不愜於心雖耆老

前捐千萬言決之弗恤尤好兵家言明末鄆城破爲舟帥諸弟奉其祖克從避大梁大梁沒於水克從已先卒其餘百口盡歸淇波無得出者先是克從欲析諸孫之半過河北用父子不同舟之義諸孫咸瞻戀祖考不忍割袂迨及禍兄弟攜手駢死怒濤中人皆惜之

本白松樓集

國朝

鄭蕃

施志鄭蕃字公靜大中丞二陽長子中順治辛卯舉人幼端重不苟嘻笑弱冠入庠試輒高等隨任德安

獻志

卷二十八

三

遊於忠烈楊公之門忠烈被璫禍蕃周旋患難閒厚卹其家戊寅兵荒蕃出粟賑濟鄉里全活甚衆居皖江與復社諸名士遊文學益進歸里後修葺學如圃爲藏修地怡親課子不干外事遭中丞喪哀毀盡禮三年如一日中丞惠及閭里鄉人建報德祠祠僧無養膳蕃以已腴田百畝施之他如周卹親族扶危濟困難以忝舉壽八十三終生平以紹述爲志編輯中丞益樓集鄭氏家乘仁壽堂醫方評註自著鄆邑雜志藝文志確園集行於世

韓則愈

新纂韓則愈字叔夜號秋巖自重第六子生而穎敏  
作事有端緒年十五入邑庠二十二食餼有聲於時  
同時名下士如梁伯飛蘇昭六常心孔皆祭酒事之  
崇禎辛未邑諸子約及社礪學行得三十三人則愈  
主其議癸酉刻及社初集二集文合千篇皆則愈司  
選政大司馬梁公廷棟雅重之數爲延譽後作啟累  
數千言徵梁宋諸子文莫不郵致又約汝潁大社聯  
數郡知名之士百餘人刊文盈尺嗣聲氣徧三吳合  
刻國表一集二集三集復社咸與焉於是名滿寰區  
聲聞長安當道有忌之者卒不能中傷凡四入棘闈

幾遇復脫同人惜之甲戌與梁伯飛梁伯方蘇昭六  
商邱賈靜子侯朝宗吳讓伯吳延仲暨西華理寒石  
太康王敬一夏邑彭天和汝南汪卯君共爲詩社而  
以尉氏阮太冲中牟張林宗兩先生爲詞宗於時祥  
符張子襄以選君假歸梁大胸亦解兵柝居林下相  
與大振風雅唱和無虛日其見諸梨棗者直餘緒耳  
崇禎辛巳冬流寇破鄢陵則愈奉母闔門徙江南時  
金陵流寓之士滿三山則愈至復爲同人所推轂甲  
申六月福藩監國則愈率北五省人士繕公疏勸進  
又爲檄文號招四方義勇之士北伐取中原事雖未

成然義聲動遠邇時阮馬用時官以賄成文溥守令  
武輕參遊則愈不悅於衷乙酉春攜家渡江五月  
大兵下金陵則愈自淮返中州棲於雍邱丙戌春歸鄢  
設帳教邑中子弟一經指授行文皆有法其後劉伯  
啟佑王伊璜鳴球皆成進士要其得力於則愈不少  
也順治辛卯以歲薦應 廷試己亥授永嘉縣知

縣以文章飾吏治不以催科廢絃歌康熙壬寅冬去  
職癸丑八月始還里門甲寅正月卒年六十五則愈  
性峻而心慈遇事風發見人不得意莫不援手甥毛  
文煥少失怙恃則愈念姊子恩養三十年娶妻生子

文獻志

卷二十八

古

功名學問一切成就之其歸田也捐百金爲置膏腴  
田三百畝以遺之鄉黨以爲美談則愈善交友所與  
遊者皆海內俊傑邑之士大夫有行誼失檢者疾之  
如仇未嘗假以辭色子姪輩有不肖之行者多面斥  
之以是每見疏遠四兒子琬相從患難中則愈撫之  
如己子二兒子琳流落江左不得歸則愈多方曲畫  
使使迎之得旋里晚年益好學手不釋卷所著有秋  
巖集畧從政錄阮寨誌畧東籬筆記高山集思古錄  
道德經註韓氏近支世系譜鄢陵人物誌唐人絕句  
鈔樂天詩選東坡詩選鄴廬制義等書藏於家

本韓程愈

撰行狀  
參施志

韓程愈

新纂韓程愈字幼平號智度自重第八子生而警敏年十三補博士弟子十六入及社制義膾炙人口丙子父邁疾躬侍湯藥衣百日不解帶丁父艱哀毀成疾數月而後起歲大禋倡約宏濟社收養兒女之遺棄者數百人又施水火藥餌綿襖之屬以濟道途之寒饑者又爲薦以遺獄囚邑北文水橋圯慨然以爲己任三月而工畢辛巳臘月十五日闖賊陷鄆陵程愈奉母南遷之潁又之白下甲申闖賊破京師懷宗

文獻志

卷二十八

十五

死於難福王監國金陵時事日非程愈思遠舉因汝上郭鵬飛順昌之命偕如閩比至郭以暴疾沒其子孫又沒憫其囊空如洗乃訴之上官求助而以禮葬焉又委曲爲其兩夫人謀使無失所程愈先曾題詩寓樓有妻孥何處取干戈眼前看之句麻城曹允昌見而異之至是訪於順昌結爲生死之交與同入福州開府張公肯堂聞其賢迓爲西席甫八月而金陵事敗唐王於福州稱監國程愈以流寓充貢 大兵入關避居長樂三溪聞撫軍爲故人佟公國鼎往見於福州征南大將軍貝勒孛訪求遺賢佟公首稱



之程愈謁王帳下大見賞識遂留內院辦事深相倚  
賴王旣相得甚歡欲令入旗程愈不從遂與王左及  
班師北歸選授瓊山知縣程愈開關赴任入見城市  
荒涼官舍頽敗遂爲草昧經營外招流逸內修曹務  
數月後漸見興復於時文武不和程愈極力調停卒  
得瓦全瓊有巨寇王居敬等五人外誘生黎熟黎衆  
十餘萬數數爲瓊害程愈親往撫之諭以至誠居敬  
等俯首聽命後申其事於總制總制嘆曰不費一兵  
一馬而十萬之衆帖然該縣可謂天南一柱也海寇  
黃海如遣人徑至府堂招撫瓊州道府兩鎮莫知所

措程愈力主斬之自是黃寇不敢復生夔端程愈才  
大而敏精神雄斷姦胥猾吏畏之如神待諸生以禮  
立瓊臺社盡致邑之名士每於杯酒之餘得聞民隱  
程愈清白自矢俸金之外常例紙贖盡爲革除署中  
飲食器物未嘗累民三年之內政聲籍籍陞遷在旦  
夕閒以李成棟作亂挂冠去職行至增城聞元洲地  
僻多水遂隱於此後平靖二藩再定兩廣出見當道  
買舟北歸至家顏其樓曰妙歸飲酒賦詩其中康熙  
戊寅正月卒年八十四程愈至性敦篤常切追遠之  
思歸田後置祭田六十畝每祭必豐必潔又著蒸嘗

儀範以垂後與人交推心置腹親友婚娶喪葬有不給憂思如已事雅好讀書而有要領經史之外博極子集凡所讀皆有益於身心性命可爲日用之助者稗官野史靳不入目遇有賞心卽札記之久而成帙所謂惇史也外雜著數十種通計三百餘卷皆手自鈔寫其言光明正大讀之可以修身可以經世卽閒窗吟咏亦無謔浪之語性亮直人有過嘗面斥之與人談別白是非片言而論定遇事挺然任之無所迴避平生足跡徧天下遨遊所至必交其讀書學道之士人有善行稱之不置尤喜尙論古人所最企慕者

文獻志

卷二十八

七

凡十人嘗書其姓氏於座右以識嚮往好義輕財有求必應而自奉甚儉布素終身愛飲酒不及於醉任

真自得有古人之風焉

本韓維垣撰行狀參施志

常錫允

施志常錫允字耆之號御冷司農自裕次子少好學

聲名籍甚順治戊子舉於鄉歷中書山東河道

蒙按此句

疑有脫誤

先是開歸陳許四府每歲幫夫二千名士民苦

之錫允極力詳請始免內轉山西道御史博通淹雅於書無所不讀前代典故鉅細悉諳凡朝中議禮恆下問輒詳明指陳衆皆推服後巡視兩浙鹽課被議

去官著有禮記便蒙薇省別錄行世蒙按薇省舊列薇省誤今改正

劉佑

施志劉佑字伯啟太守賁卿之孫清河令漢藜子也賦性明敏苦志力學登順治己亥進士益肆力於詩古文詞任臨洮府同知才識鍊達政暇即潛心學問著有詩文稿若干卷温陵周廷鑑極推服之序梓以行世

常鉉禡

施志常鉉禡字九疇侍郎自裕孫大廷尉翼聖子幼穎異弱冠食餼康熙癸酉拔貢生隨父任至浙江著

文獻志

卷二十八

六

制義數飛集為甬上仇兆鰲所推重序而傳之好吟咏著越遊草又訂正小學忠孝經行世康熙四十年以薦舉任內閣中書歷刑部主事監督通州中南倉三年期滿陞員外郎未赴任卒生平好義嘗立書院於小岡之淇園以教來學戚里有婚喪之不給者力濟之任監督時蒙恩旨賜御書尤異數也

列士

明

王灝

經志王灝字伯元任掖縣丞廉謹幹濟監司數薦其

才九年致仕識尚書劉璟於邑庠以女妻之

李裕

新纂李裕字咨德號順庵以詩專門受業者無慮六七百指成化中貢太學選授浙之東陽丞廉介不苟取職所當爲爲之必力且善比致政歸田里圖書外無羨物而東陽民實感念不置

本劉遵石孔山人集參經志

李繩

張守仁李氏世系碑李繩成化十八年貢授建平縣訓導教授生徒丕變士風

劉珮

文獻志

卷二十八

九

新纂劉珮字德潤別號比齋刑部尚書璟弟也生而瓌奇與璟俱師事華亭張訥庵志大業精尤工字學爲督學劉欽謨先生所器重成化癸卯領鄉薦明年甲辰中乙榜第八選署潁州學正事教規嚴整以勤苦爲諸生先每夜四鼓擊鐸諸生齊起膳夫進湯升堂畢諸生退就號舍以次校業暮復擊鐸至二鼓罷諸生無敢惰者宏治乙酉嬰疾危篤諸生競爲寫眞旣卒皆哭之痛心喪者數人正德閒璟爲刑部尚書潁生有郭昌者時任戶部照磨追思珮恩每對璟言與淚俱貢薦諸生有假道於鄆造塋拜墓不通名而

去者其恩義感人類如此本劉訖撰墓表參潁州府志

牛繼

鄆事聞見錄牛繼字述之號北林例貢生邑舉負令  
歷涑水餘杭縣丞皆有惠政致仕好文事喜賦詩  
谷中歌存稿

劉訖

經志劉訖字思誠好賢樂義力振士風以養母受藩  
僚虛銜約真率會以勵俗事伯父怡閒翁極其敬順  
有郊園集

張守仁

文獻志

卷二十八

三

新纂張守仁字愛人別號槐亭生而穎異早補弟子  
員嘉靖癸卯歲薦選授高平訓導教人先德行後文  
藝崇雅黜浮士類翕然向化適文岡陳公董晉學有  
清操自守文行俱優之獎委署高平知縣以節用愛  
人爲尙臨財毫無所染偶劇盜恣橫卽計捕羣凶就  
擒閭閻始安擢撫甯教諭以疾致仕守仁口無僞言  
身無妄動四方執經問業者戶牖常滿居常食息惟  
誦讀而已萬曆己卯無疾而卒年八十一本翟瑞撰墓表

劉崐

鄆事聞見錄劉崐字潤之博雅工詩以生員授王府

官

國朝

胡獻瑞

鄆事聞見錄胡獻瑞字太微廩生博通經史文行兼優知名邑庠苦志未售子毓英成進士人以為讀書之報

錢見龍

施志錢見龍字乘六弱冠以能文見賞於梁公廷棟由是益勤學

國朝定鼎後食餼以歲貢授濟源訓導惟讀書致用為實務濟源饑勸邑侯急賑條其

文獻志

卷二十八

三

法以上民被其利後告歸著有省園錄

王曰良

施志王曰良字子易由明經任新安教諭歷郊縣新蔡陞汝甯教授卒於官所至名檢自勵興賢育才如關琇王桂張射標呂謙恆輩先後中式聯袂登朝更於新蔡捐俸置學田二百餘畝去後土泐石志感康熙庚午洛中饑新安士就食於良者數十家丁艱歸於邨中設立義塾以教鄉人之貧不能讀者鄉人至今頌之

陳鐸宣

施志陳鐸宜字敦半棐曾孫邑諸生喜讀書沈浸古文四方受業多名士御史梁熙重其學延爲經師居鄉以忠厚稱其弟生輝字越凡亦邑庠開門授徒講解忘倦時巡撫尹公會一頒朱子白鹿洞教條令學師會講生輝敷陳剴切聽者忘倦太守朱公繡聞而獎之

蘇崑

新纂蘇崑字和仲拔貢字之子也七歲父卒事母有至性年十二入邑庠杜門卻掃不妄交遊朝夕攻苦博極羣書名其齋曰知非作銘於座右以自警以明

文獻志

卷二十八

三

經授武陟訓導年老告歸卒於家著餐芳詩集八卷

本劉友蓮續志參餐芳集

王延禧

施志王延禧字燕亭號恆齋由丙寅選拔授確山教諭性剛方不隨世趨學有田二十餘畝歲收所入卽以建書院未嘗少私一時寒士肄業者多裨益焉

王延祚

新纂王延祚奉常日溫子廩膳生天才清雋以新蕉詩三十韻傳播士林卒年三十六時人惜之

本尉志

王世清

尉氏志王世清歲貢生占籍鄆陵於父所著書未竟者續成之外著述祖德及烈女詩授嵩縣訓導未任卒

張濟

新纂張濟字于陵號鶴洲讀書穎悟弱冠入庠益自勤苦旋食餼四方之士多從之遊出繼胞叔問安視膳不啻所生足跡罕入城市座右必書古人箴規以自警性愛花手自種植日與一二知己飲酒賦詩前令高其行時造廬講論然未嘗以事干謁年六十登歲薦授永城司訓永士翕然歸之

本施志參劉友蓮續志

文獻志

卷二十八

三

蘇瑛

施志蘇瑛字懋如嚴毅端方刻意礪學弱冠食餼試輒冠軍以數奇未售教授生徒疊疊不倦務期其心解乃已以故從遊者甚衆邑庠知名大半出其門以明經授新蔡訓導立科條以訓士先品行而後文藝督學極賞之告老歸年八十八卒

劉樞

施志劉樞字維斗偉子年十八食邑餼雖簞瓢屢空而讀書自樂未嘗有戚戚容舌耕自給好獎進後學以歲薦任商城訓導商士被其教者羣切立雪之頌



六年卒於官子燕貽字釋堂號牧齋少承庭訓爲廩生名藉甚癸卯鄉薦壬子爲山西同考官所拔七人解元殿元悉出其門後授商城教諭先是樞司訓時卽隨任與商士相切磨及之任相得益歡佩其教澤者皆彬彬有古風俸滿授禹城縣知縣仍改教補唐邑教諭蒞任十八年修學宮營學署廣學田考樂器皆悉心經理唐人士多被其教陞河南府教授到任數月而卒年七十三

曹哲

施志曹哲字又曾拔貢文名爲一時冠雍正甲辰中

文獻志

卷二十八

十四

副榜人咸惜之生平不履城市杜門讀書終日端坐如對大賓博覽羣書至老不倦年八十餘諷詠之聲猶達戶外子汝楫字作舟亦貢生學行能繼其父

蘇一新

世德錄蘇一新字天秩邑庠生父承官江南鎮海衛領運千總客沒通州一新扶櫬歸葬哀毀致成嗽疾衆稱其孝家貧授徒規度肅然年四十八卒人皆惜之

蘇兆觀

思貽居存稿蘇兆觀字緒陽邑庠生忠誠公正宗族

有爭必往質分析必請命兆觀曉譬曲直罔不悅服  
生平周恤貧乏捐施棺木不可勝數故歿世數十年  
人猶感慕其德而不忘云

### 趙偉績

鄙事聞見錄趙偉績字言可恩貢生潛心四書講解  
詳明遊其門者多成材

### 王蘊秀

施志王蘊秀字勝選穎悟過人十歲以能文名入庠  
卽冠軍性好古文詞遂絕意仕進家居事親承顏備  
極甘旨授徒講業多所成就如張素志蘇帝輔爨剛  
克張修來皆出其門前令姜修邑志多折衷焉以壽  
終子芸心

### 蘇宗文

思貽居存稿蘇宗文字在茲兆觀之子也食廩餼爲  
知名士善誘後學成就多人外郡且有沐教被澤者  
接人處事直信明斷居邑西雲漢邨鄉人尊爲明鑒  
事無鉅細必諮詢於文而後行爲人排難解紛消禍  
息訟不可屈指數甚至有兄弟鬩牆夫妻反目者亦  
必赴愬以求判其曲直旣卒鄉里數百人往奠痛哭  
曰吾鄉塌天矣子孫曾元三十餘人

### 文獻志

#### 卷二十八

王芸心

吳志王芸心字泰然廩膳生資性明敏舉止端方教授生徒先品行而後文藝邑中知名士多出其門所著有四書辨畧思貽居存稿四書字音補注子品端庠生行端衷端監生

張休采

吳志張休采字服公己卯副榜泌陽縣教諭品端學優以老壽終

張敬修

吳志張敬修字迪功歲貢生家貧以教讀爲業邑中

文獻志

卷二十八

三

知名士多出其門乾隆五十六年選南陽訓導見聖廟將圯卽慨然身任興修功未告成積勞而殞壽七十三子汝弼恩貢生候選教諭

谷秀實

吳志谷秀實字漢章廩膳生邑令保麟稱其工詩文表其墓

韓憲成

新纂韓憲成字彝典少負逸才以童子試第一入庠旋食餼卑抑自牧不以才智先人而砥節勵行以古之學者自期母卒日夜號泣廬於墓側生計素薄不

肯俯仰世俗邑令憫其貧贈以金堅辭不受其高潔  
如此子鳳翔廩生

本學忍  
堂文集

蘇正敏

世德錄蘇正敏字學哉父嵩齡暮年邀族之有年德  
者七人仿香山故事時集讌會正敏供奉維謹人稱  
其孝性敏捷好詩古文辭以童子試第一入邑庠旋  
食餼名噪黌序閒士之從遊者日衆正敏雅善成就  
各因其材而教之年四十七卒著學忍堂集二卷

王映琚

新纂王映琚字佩中芸心孫少承家學博極羣書長

文獻志

卷二十八

三

習堪輿星命家言爲人相陰陽多奇中晚歲隱處衡  
門庭中怪石數片籬菊老梅參差映帶爐香茗椀惟  
與素心人相往還雖家無儋石之儲宴如也年九十  
卒著有馮事聞見錄長子澍棠字德遠天性質樸學  
問優長應試不售以醫術終其身著有身心要語

蘇林

生探  
訪

蘇萬清

新纂蘇萬清字靖九武生貌魁梧性孝友兄弟三人  
以家貧各自謀衣食及弟正志歿凡棺斂葬祭之費  
一身任之繼念弟婦寡姪致祥幼復與之合炊使致

祥業儒養育教誨一如己出遇事豁達倜儻仲父某  
負債於人力不能償以致興訟萬清出五百金還之  
訟始息性嗜學讀經史及諸儒著作嘗至夜分處世  
以忠信爲主見人行事有不合義者慷慨直陳力指  
其謬人皆服之年六十二卒

蘇心安  
採訪

### 張鳳翹

新纂張鳳翹字羽堂歲貢生事父母色養事兩兄盡  
悌四世同居雍睦無閒言有姊適扶溝史姓旣寡貧  
無依鳳翹迎養於家歷二十餘年如一日家貧授徒  
講論亶亶不倦爲人恬靜和雅庠序中推重之

木彰  
善錄

### 文獻志

#### 卷二十八

三

### 賈海潮

新纂賈海潮字文若歲貢生事父母五十餘載飲食  
必親奉起居必親侍未嘗少離友愛諸弟數十年無  
違言初祖塋中祭田僅十餘畝自海潮管理積籽粒  
所入復買田百餘畝創建祠堂十餘間族人咸服年

八十四卒

司潤楠周  
遇甲採訪

### 牛晉階

新纂牛晉階牛集人八歲入塾卽知孝友親好亦好  
親惡亦惡嚴冬温被終身不廢與伯叔族黨處能忍  
人所不能忍讓人所不能讓橫逆相加終不與校入

庠後以規矩自守而人有患難必力爲拯救人卽背  
德不悔也家極貧不求人恤值凶歲有以麥數石相  
賙者婉詞謝之卒年五十四

司潤楠  
採訪

